

ქ. თბილისი

23 დეკემბერი, 2021 წელი

ერთი მხრივ, სსიპ „სოციალური მომსახურების სააგენტო“ (შემდგომში - „შემსყიდველი“), წარმოდგენილი მისი დირექტორის მოვალეობის შემსრულებლის, ლევან გოგოძის სახით და მეორე მხრივ, შპს „კია საქართველო“ (შემდგომში - „მიმწოდებელი“), წარმოდგენილი მისი დირექტორის, გიორგი ამაშუკელის სახით (ორივე ერთად წოდებული - „მხარეებად“), „სახელმწიფო შესყიდვების შესახებ“ საქართველოს კანონის, საქართველოს მთავრობის 2014 წლის 6 თებერვლის №121 დადგენილებით დამტკიცებული „სახელმწიფო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის წესის“ და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადება NAT210023402) ჩატარების შედეგად, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს 1 ერთეული I კლასის მსუბუქი ავტომობილის (შემდგომში „საქონელი“ ან „შესყიდვის ობიექტი“) სახელმწიფო შესყიდვა (CPV კოდი – 34110000).
- 1.2. შესყიდვის ობიექტის მახასიათებლები მოცემულია დანართი №1-სა და დანართი №2-ში, რომლებიც თანდართულია წინამდებარე ხელშეკრულებაზე, წარმოადგენენ მის განუყოფელ ნაწილს და განიხილება მასთან ერთობლიობაში.
- 1.3. ელექტრონული ტენდერის (NAT210023402) სატენდერო დოკუმენტაცია და ამ ტენდერზე წარმოდგენილი მიმწოდებლის სატენდერო წინადადება, რომლებიც შესაძლოა არ იყოს ხელმოწერილი მხარეთა მიერ და დანართის სახით არ დაერთოს წინამდებარე ხელშეკრულებას, ასევე წარმოადგენენ წინამდებარე ხელშეკრულების განუყოფელ ნაწილს.

2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს სსიპ სოციალური მომსახურების სააგენტოს ლოჯისტიკის სამსახურის მთავარი სპეციალისტი - ზაზა შავლიაშვილი.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა ან შეცვალოს უხარისხო საქონელი.

3. საქონლის მიწოდებისა და მიღება ჩაბარების წესი

- 3.1. მიმწოდებელმა საქონლის შემსყიდველისათვის მიწოდება უნდა განახორციელოს ხელშეკრულების გაფორმებიდან არაუგვიანეს 180 (ას ოთხმოცი) დღისა, შემდეგ მისამართზე: ქ.თბილისი, ივ.ჯავახიშვილის ქ.№51.
- 3.2. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 3.3. შემსყიდველის მხრიდან 3.2 პუნქტში აღნიშნული მიღება-ჩაბარების აქტის ხელმომწერი პირია სსიპ სოციალური მომსახურების სააგენტოს ლოჯისტიკის სამსახურის მთავარი სპეციალისტი - ზაზა შავლიაშვილი.

4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული საქონლის საერთო ღირებულება შეადგენს 72,160.00 (სამოცდათორმეტიას ასსამოცი) ლარს (შემდგომში „ხელშეკრულების ფასი“ ან „საქონლის ღირებულება“).
- 4.2. ხელშეკრულების ფასი მოიცავს:
 - 4.2.1. საქართველოს კანონმდებლობით გათვალისწინებულ ყველა გადასახადს, დღგ-ს გარდა.
 - 4.2.2. საქონლის სრულყოფილად მიწოდებისათვის აუცილებელ ყველა ხარჯს, მათ შორის: იმპორტირებასთან დაკავშირებულ ხარჯებს, ა/მანქანის სახელმწიფო სანომრე ნიშნებისა და შემსყიდველის სახელზე სახელმწიფო რეგისტრაციასთან დაკავშირებულ ხარჯებს და ტრანსპორტირების ხარჯებს შემსყიდველის მისამართზე.
- 4.3. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 4.4. წინამდებარე ხელშეკრულების ფარგლებში დასაშვებია წინასწარი ანგარიშსწორება ხელშეკრულების ღირებულების 100% ოდენობით, მიმწოდებლის მიერ უპირობო და გამოუთხოვადი საბანკო გარანტიის წარმოდგენის პირობით. საბანკო გარანტია უნდა იყოს გადასახდელი ავანსის იდენტური ოდენობის თანხაზე და მისი მოქმედების ვადა არანაკლებ 30 დღით უნდა აღემატებოდეს შესყიდვის ობიექტის მიწოდების საბოლოო ვადას.
- 4.5. საავანსო ანგარიშსწორების მექანიზმის გამოყენების შემთხვევაში შემსყიდველი ავანსის სახით მიმწოდებელს ჩაურიცხავს ხელშეკრულების ღირებულების 100%, მიმწოდებლის მიერ წინასწარ გადასახდელი თანხის იდენტური ოდენობის საბანკო გარანტიის წარმოდგენიდან არაუგვიანეს 5 სამუშაო დღის ვადაში.

5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული შესყიდვის ობიექტი.

- 5.2. შემსყიდველი ვალდებულია გადაუხადოს მიმწოდებელს ფაქტიურად მიწოდებული საქონლის ღირებულება ხელშეკრულებით გათვალისწინებული პირობების შესაბამისად.
- 5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული შესყიდვის ობიექტი.
- 5.4. მიმწოდებელს უფლება აქვს მიწოდებული საქონლის სანაცვლოდ მიიღოს მისი ღირებულება.

6. საგარანტიო პირობები

- 6.1. საგარანტიო ვადა, რომლის განმავლობაში მიმწოდებელი ვალდებულია უსასყიდლოდ აღმოფხვრას აღმოჩენილი ხარვეზები, შეადგენს 5 წელს ძირითად აგრეგატებზე (ძრავი, ხიდი, გადაცემათა კოლოფი) და 3 წელს ან 150000 კილომეტრს (იმისდამხედვეთ, თუ რომელი უფრო ადრე დადგება) სრულ ავტომანქანაზე, გარდა სწრაფცვლადი ნაწილებისა (ელექტრონათურები, ელექტრომცველები, შუშის საწმენდი ჯაგრისები, გადაბმულობის ქურო, საყრდენი დისკი და მომჭიმი საკისარი).
- 6.2. თუ სატრანსპორტო საშუალების მიწოდებიდან 30 დღის ან 1 000 კმ. გარბენის შემთხვევაში (რომელიც უფრო ადრე დადგება) ავტომობილს აღმოაჩნდება საწარმოო დეფექტი ძირითად აგრეგატზე (ძრავა, გადაცემათა კოლოფი, ხიდი) მიმწოდებელი ვალდებულია სატრანსპორტო საშუალება შეცვალოს ახლით.
- 6.3. საგარანტიო პერიოდის განმავლობაში მიმწოდებელი ვალდებულია, ავტომანქანაზე გამოვლენილი ნებისმიერი საწარმოო დეფექტის აღმოფხვრა, შეკეთება ან საქონლის ახლით შეცვლა განახორციელოს საკუთარი სახსრებით, შემსყიდველის მიერ წერილობითი მოთხოვნიდან არაუმეტეს 5 (ხუთი) სამუშაო დღის ვადაში. აღნიშნული ვადა შეიძლება შეიცვალოს მხარეთა შეთანხმებით.

7. მხარეთა პასუხისმგებლობა ხელშეკრულების პირობების შეუსრულებლობისათვის

- 7.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.
- 7.2. მიმწოდებლის მიერ ხელშეკრულებით ნაკისრი ვალდებულებების არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ყოველი ვადაგადაცილებული დღისათვის.
- 7.3. საჯარიმო სანქციების გადახდა შესაძლებელია მოხდეს მიმწოდებლისთვის ასანაზღაურებელი თანხიდან გამოქვითვის საშუალებით.
- 7.4. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,02%-ის ოდენობით.
- 7.5. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.
- 7.6. იმ შემთხვევაში, თუ 7.2 პუნქტში აღნიშნული ვადაგადაცილება მიაღწევს 20 დღეს, შემსყიდველს უფლება აქვს ცალმხრივად შეწყვიტოს ხელშეკრულება მიმწოდებლის მიერ

ვალდებულებების შეუსრულებლობის მოტივით. ამ შემთხვევაში გამოყენებული იქნება 7.1 პუნქტით გათვალისწინებული საწესიები.

7.7. ამ მუხლით გათვალისწინებული პირობები მოიცავს და ვრცელდება საგარანტიო ვალდებულებებზეც.

8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ. ამ შემთხვევაში მხარე უფლებამოსილია გამოიყენოს მე-7 მუხლით გათვალისწინებული საწესიები.

8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე, ან 11.1. პუნქტით გათვალისწინებულ შემთხვევაში.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. დავები და მათი გადაწყვეტის წესი

10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

11.1. ხელშეკრულება ძალაში შედის მისი ხელმოწერის დღიდან და მოქმედებს სულ მცირე 30 დღის განმავლობაში ხელშეკრულების შესრულებიდან, მაგრამ არაუგვიანეს 2022 წლის 31 დეკემბრისა, 11.2 პუნქტის მოთხოვნათა გათვალისწინებით.

11.2. წინამდებარე ხელშეკრულების მე-6 და მე-7 მუხლებით გათვალისწინებული ვალდებულებები ძალაში რჩება საგარანტიო პერიოდის გასვლამდე.

12. ზოგადი დებულებები

12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

12.3. ხელშეკრულება შედგენილია ქართულ ენაზე, ერთ ეგზემპლარად და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით ან ელექტრონული შტამპით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმოწერ მხარეებთან.

13. მხარეთა მისამართები და რეკვიზიტები

„შემსყიდველი“

სსიპ სოციალური მომსახურების სააგენტო,
ქ. თბილისი, აკაკი წერეთლის გამზ. №144,
საიდენტიფიკაციო კოდი: 202178927



ლევან გოგოძე
დირექტორის მოვალეობის შემსრულებელი

ვიზირებულია: გ.გელაშვილი

ა.ვასაძე

გ.გოგოლაძე

ზ.ჭანტურია

„მიმწოდებელი“

შპს კია საქართველო
თბილისი, საბურთალოს რაიონი,
დავით აღმაშენებლის ხეივანი, №197
საიდენტიფიკაციო კოდი: 236096675
მომსახურე ბანკი: სს ვითიბი ბანკი
ბანკის კოდი: UGEBGE22
ა/ნ: GE44 VT70 0000 8888 883602

გიორგი ამაშუკელი
დირექტორი

№	შესყიდვის ობიექტი	მინიმალური ტექნიკური მახასიათებლები		პრეტენდენტის მიერ შემოთავაზებული ავტომობილის ტექნიკური მახასიათებლები
1	I კლასის მსუბუქი ავტომანქანა - Kia K5, სამხრეთი კორეა	ცხენის ძალა არანაკლებ	152	152
2		გადაცემათა კოლოფი	მექანიკური, არანაკლებ 5-საფეხურიანი	6 საფეხურიანი ავტომატური კოლოფი
3		სიგრძე არანაკლებ	4767	4905
4		სიგანე არანაკლებ	1825	1860
5		სიმაღლე არანაკლებ	1445	1445
6		საგარანტიო პერიოდი	5 წელი ძირითად აგრეგატებზე (ძრავა, ხიდი, გადაცემათა კოლოფი), 3 წელი ან 150000 კილომეტრი (რომელიც ადრე შესრულდება) სრულ ავტომანქანაზე, გარდა სწრაფცვლადინაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი აგრიტები, გადაცემათა კოლოფის გადამბულობის ქურო, გადაცემათა კოლოფის მომჭიმი საკისარი, გადაცემათა კოლოფის გადამბულობის დისკი და საყრდენი დისკი)	მიღება-ჩაბარების აქტის გაფორმებიდან 5 წელი ძირითად აგრეგატებზე (ძრავა, ხიდი, გადაცემათა კოლოფი), 3 წელი ან 150000 კილომეტრი (რომელიც ადრე შესრულდება) სრულ ავტომანქანაზე, გარდა სწრაფცვლადინაწილებისა და მასალებისა (ანტიფრიზი, ფრეონი, საბურავები, ელექტრონათურები, ელექტრომცველები, შუშის საწმენდი აგრიტები, გადაცემათა კოლოფის გადამბულობის ქურო, გადაცემათა კოლოფის მომჭიმი საკისარი, გადაცემათა კოლოფის გადამბულობის დისკი და საყრდენი დისკი)
7		უსაფრთხოების დამადასტურებელ დოკუმენტად შეიძლება ჩაითვალოს შემოთავაზებული მოდელის ნებისმიერ მოდიფიკაციაზე აღებული შესაბამისი ქრამტესტის სერტიფიკატი	NCAP (ევრო ქრამტესტი), IIHS (ამერიკული ქრამტესტი), JNCAP (იაპონური ქრამტესტი)	IIHS (ამერიკული ქრამტესტი)
8		ელექტროშუშები	ოთხივე	წინა და უკანა ელექტრო შუშები
9		აუცილებელი მოთხოვნა	სათადარიგო საბურავი	სათადარიგო საბურავი
10		აუცილებელი მოთხოვნა	მინიმუმ 4 უსაფრთხოების ბალიში	6 აირბაგი მძღოლის, მგზავრის, გვერდითა და ფარდა აირბაგები
11		აუცილებელი მოთხოვნა	კონდიციონერი	კონდიციონერი
12		აუცილებელი მოთხოვნა	აუდიოსისტემა	აუდიოსისტემა
13		აუცილებელი მოთხოვნა	საჭის გამამდიერებელი	საჭის გამამდიერებელი
14		აუცილებელი მოთხოვნა	ABS, მოცურების საწინააღმდეგო სისტემა	ABS, მოცურების საწინააღმდეგო სისტემა
15		აუცილებელი მოთხოვნა	სავარძლის სიმაღლის მარეგულირებელი	სავარძლის სიმაღლის მარეგულირებელი
16		აუცილებელი მოთხოვნა	საჭის სიმაღლის მარეგულირებელი	საჭის სიმაღლის მარეგულირებელი
17		აუცილებელი მოთხოვნა	უკანა საქარე მინის ელ. გათბობა	უკანა საქარე მინის ელ. გათბობა
18		აუცილებელი მოთხოვნა	სარკეების ელ. რეგულირება	სარკეების ელ. რეგულირება
19		გამოშვების წელი არანაკლებ	2021	2022
20		საჭის მდებარეობა	მარცხენა	მარცხენა
21		სალონის კარების რაოდენობა	ოთხი	ოთხი
22		ფერი	ნებისმიერი ფერის, გარდა შავისა	რუხი

დანართი №2, ფასების ცხრილი

შესყიდვის ობიექტი	ავტომანქანის მარკა, მოდელი, მწარმოებელი ქვეყანა	რაოდენობა	ავტომანქანის ღირებულება (ლარი)
1-ლი კლასის მსუბუქი ავტომანქანა	Kia K5 (სამხრეთ კორეა)	1 ერთეული	72160.00
სულ:			72160.00

„შემსყიდველი“



ლევან გოგიძე

სააგენტოს დირექტორის მოვალეობის შემსრულებელი

„მიმწოდებელი“

გორგი ამაშუკელი
დირექტორი

23 დეკემბერი 2021 წელი

ხელწერილი
ინტერესთა კონფლიქტის არარსებობის შესახებ

წინამდებარე ხელწერილით ვადასტურებ, რომ ჩემი მონაწილეობა "სახელმწიფო ავტოპარკის გადანაწილების, კლასიფიკაციისა და სამსახურებრივი ავტომანქანის შესყიდვის წესის დამტკიცების შესახებ" საქართველოს მთავრობის 2014 წლის 6 თებერვლის №121 დადგენილებით გათვალისწინებული 1 (ერთი) ერთეული I კლასის მსუბუქი ავტომობილის სახელმწიფო შესყიდვის მიზნით გამოცხადებული ელექტრონული ტენდერის (NAT210023402), შედეგების შესაბამისად, შპს „კია საქართველო“-სთან გაფორმებული ხელშეკრულების კონტროლში/ მონიტორინგში/ ინპექტირებაში, არ ეწინააღმდეგება „სახელმწიფო შესყიდვების შესახებ“ კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

აღნიშნულს ვადასტურებ ხელისმოწერით:

ზაზა შავლიაშვილი


